

DIE GORDYN EN DIE SKEIDSMUUR VAN SONDE

Die voorhangsel is 'n afskorting wat die Mens simbolies geskei het van die "Hemel".

Ex. 26:33 "En jy moet die voorhangsel onder die hakies ophang; en bring die ark van die Getuienis daar, binnekant die voorhangsel. En die voorhangsel moet vir julle 'n **skeiding maak** tussen die Heilige en die Allerheiligste."

Die Allerheiligste was die area in die Tabernakel waar JaHUaH op die Versoendeksel in 'n wolk verskyn het. Dit was simbolies van die Hemel, Sy ware woonplek.

Die hemel is ook vir ons die "hoop wat voorlê" (Heb. 6:18) waaraan ons moet vashou en dis geanker tot "binnekant die voorhangsel waar JaHUsha voor ons daar ingegaan het as Hoëpriester" (Heb. 4:14 – 16). (Ongeloof kan ons ontnem van die Hemel as die "Hoop wat vir ons voorlê", Heb. 3:19.)

Heb. 6:12 – 20 "sodat julle nie traag word nie, maar navolgers van hulle wat deur geloof en lankmoedigheid erfgename van die belofte is.

Want toe Elohiem aan Abrahā die belofte gegee het, het Hy, omdat Hy by geen meerdere kon sweer nie, by Homself gesweer en gesê: Voorwaar, Ek sal jou ryklik seën en jou grootliks vermeerder. En so het hy die belofte verkry nadat hy geduldig gewag het.

Want mense sweer by een wat meer is, en die eed van bevestiging is vir hulle die einde van alle teësprak.

Daarom het Elohiem, omdat Hy nog kragtiger aan die erfgename van die belofte die onveranderlikheid van sy raad wou toon, dit met 'n eed gewaarborg; sodat ons deur twee onveranderlike dinge, waarin dit onmoontlik is dat Elohiem sou lieg, kragtige bemoediging kan hê, ons wat ontvlug het, om vas te hou aan die hoop wat voorlê; en ons het dit as 'n anker van die siel wat veilig en vas is en **ingaan tot binnekant die voorhangsel** waar JaHUsha as voorloper vir ons ingegaan het, Hy wat volgens die orde van Melgisédek 'n hoëpriester geword het vir ewig."

"Binnekant die voorhangsel" (Within the veil) ... dis dieselfde woorde wat in Lev. 16:12, 15 gebruik word en daarom is daar geen onduidelikheid oor watter gordyn van die Tempel dit was wat geskeur het toe JaHUsha gesterf het nie. Dis NIE die buitekantste gordyn soos sekere predikers beweer nie.

Lev. 16:12 "en die vuurpan vol gloeiende kole van die altaar voor die aangesig van die JaHUaH wegneem; daarby twee handevol fyngestampde reukwerk van speserye en dit **binnekant die voorhangsel** bring."

Lev. 16:15 "Dan moet hy die sondofferbok slag wat vir die volk bedoel is, en sy bloed **binnekant die voorhangsel** bring en met sy bloed doen soos hy met die bloed van die bul gedoen het: hy moet dit sprinkel op die versoendeksel en voor die versoendeksel."

Hoewel ons ons tans in aardse liggame bevind, sit ons geestelik ook saam met JaHUsha ... **waar Hy sit**.

Ef. 2:4 – 7 Maar Elohiem, wat ryk is in barmhartigheid, het ons deur sy grote liefde waarmee Hy ons liefgehad het, ook toe ons dood was deur die misdade, lewend gemaak saam met Messias— uit genade is julle gered— en saam opgewek en **saam laat sit in die hemele in Messias JaHUsha**,

sodat Hy in die eeue wat kom, kan betoon die uitnemende rykdom van sy genade in goedertierenheid oor ons in Messias JaHUsha.

Dit is wat “ons het as ‘n anker van die siel wat veilig en vas is en ingaan tot binnekant die voorhangsel waar JaHUsha as voorloper vir ons ingegaan het”. Nà die aflegging van ons liggame as aardse tentwonings, is ons eindbestemming die Hemel, die Nuwe Jerusalem.

Die Nuwe Jerusalem is ‘n kubus, net soos wat die Allerheiligste se afmetings diè van ‘n kubus is. Dit is “die woning van Elohiem in die Gees”, Ef. 2:22.

Terloops, Salomo se tempel was 30 el hoog (1 Kon. 6:2), maar Herodus het die hoogte vermeerder na 40 el, volgens Josefus die Joodse historikus van die eerste eeu.

DIE GORDYN AS ‘N SONDESKEIDSMUUR

Gedurende die leeftyd van JaHUsha was die tempel in Jerusalem die middelpunt van die Jood se godsdienstige lewe. Die tempel was die plek waar diere-offers uitgevoer is en waar daar baie getrou aanbid is volgens die Torah van Moses.

‘n Gordyn in die Tempel het die Allerheiligste (die woonplek van Elohiem se teenwoordigheid), afgeskei van die res van die Tempel waar mense “gewoon” het, Heb. 9:1 – 9.

Die gordyn was ‘n aanduiding dat die mens van Elohiem afgeskei is deur sonde, Jes. 59:1 – 2.

“Kyk, die hand van JaHUaH is nie te kort om te help nie, en sy oor is nie te swaar om te hoor nie; maar julle ongeregthede het ‘n **skeidsmuur** geword tussen julle en julle Elohiem, en julle sondes het sy aangesig vir julle verberg, sodat Hy nie hoor nie.”

Net die hoëpriester was toegelaat om na die anderkant van hierdie gordyn te gaan, slegs een maal per jaar (Ex. 30:10, Heb. 9:7), om in die teenwoordigheid van Elohiem te kom en die hele Israel te verteenwoordig, en sodoende versoening te doen vir hulle sondes (Lev. 16).


JaHUsha neem ons sondes op Hom (Jes. 53:5 – 6) en so word die Skeidsmuur van Sonde in en deur Sy liggaam afgebreek (geskeur), sodat ons nou toegang kan hê tot die Mees Afgesonderde Plek waar Elohiem woon.

Heb. 6:19 – 20 “en ons het dit as ‘n anker van die siel wat veilig en vas is en ingaan tot binnekant die voorhangsel **waar JaHUsha as voorloper vir ons ingegaan het**, Hy wat volgens die orde van Melgisèdek ‘n hoëpriester geword het vir ewig”.

Die boek van Eksodus leer dat hierdie dik gordyn gemaak was van blou, pers en rooi (scarlet) materiaal en fyn gedraaide linne. Die grootte en dikte van die gordyn maak die gebeure met die dood van JaHUsha nog merkwaardiger.

Matt. 27:50 - 51a “Daarop het JaHUsha weer met ‘n groot stem geroep en die gees gegee. En kyk, die voorhangsel van die tempel het in twee geskeur, van bo tot onder ...”

Once For All FOREVER!!!



יום כיפור / YOM KIPPUR
(Yahuah's Feast of Atonement)

No longer from the blood of Bulls, Goats and Lambs...

Remember from where you have fallen...

Restoration and Covering by the most precious Gift...

REDEEMED!!!

Lev 23:27 "On the tenth day of this seventh month is the Day of Atonement. It shall be a set-apart gathering for you. And you shall afflict your beings, and shall bring an offering made by fire to יהוה."

Lev 23:28 "And you do no work on that same day, for it is the Day of Atonement, to make atonement for you before יהוה your Elohim."

Lev 23:29 "For any being who is not afflicted on that same day, he shall be cut off from his people."

Lev 23:30 "And any being who does any work on that same day, that being I shall destroy from the midst of his people."

Lev 23:31 "You do no work – a law forever throughout your generations in all your dwellings."



DIE SIMBOLIEK DAARIN VIR ONS VANDAG

Eerstens simboliseer dit vir ons JaHUsa se offer, Sy eie bloed wat gestort is, wat 'n versoening vir ons sondes is.

Dit dui ook vir ons aan dat die weg nou oop is om in die Allerheiligste te kan ingaan, en dis oop vir alle mense, en vir alle tye, beide vir die Jood en die gelowiges uit die Nasies (Ef. 2, Rom. 1:16).

Ef. 2:11 Daarom, onthou dat julle wat vroeër heidene in die vlees was en onbesnedenes genoem word deur die sogenaamde besnydenis wat in die vlees met hande verrig word,

Ef. 2:12 dat julle in dié tyd sonder Messias was, vervreemd van die burgerskap van Israel en vreemdelinge ten aansien van die verbonde van die belofte, sonder hoop en sonder Elohiem in die wêreld.

Ef. 2:13 Maar nou **in Messias JaHUsa** het julle wat vroeër ver was, naby gekom **deur die bloed van Messias**.

Ef. 2:14 Want Hy is ons vrede, Hy wat albei een gemaak en die **middelmuur van skeiding** afgebreek het

Ef. 2:15 deurdat **Hy in sy vlees** die vyandskap tot niet gemaak het, naamlik die wet van gebooie wat in insettinge bestaan; sodat Hy, deur vrede te maak, die twee in Homself tot een nuwe mens kon skep

Ef. 2:16 en albei in een liggaam met Elohiem kon versoen deur die folterpaal, nadat Hy daaraan die vyandskap doodgemaak het.

Ef. 2:17 En Hy het die evangelie van vrede kom verkondig aan julle wat ver was en aan die wat naby was;

Ef. 2:18 want **deur Hom** het ons albei die **toegang** deur een Gees tot die Vader.

Ef. 2:19 So is julle dan nie meer vreemdelinge en bywoners nie, maar medeburgers van die heiliges en huisgenote van Elohiem,

Ef. 2:20 gebou op die fondament van die apostels en profete, terwyl JaHUsa Messias self die hoeksteen is,

Ef. 2:21 in wie die hele gebou, goed saamgevoeg, verrys tot 'n heilige tempel in JaHUaH,
Ef. 2:22 in wie julle ook saam opgebou word tot 'n woning van Elohiem in die Gees.

Toe JaHUsha gesterf het en die gordyn geskeur is, het JaHUaH uit daardie Allerheiligste uit beweeg om **nooit** weer in tempels te woon wat met mensehande gemaak is nie (Hand. 17:24).

Hy was klaar met daardie tempel sowel as met die godsdienstige sisteem van die Levitiese orde wat daarmee gepaard gegaan het, en die tempel en Jerusalem is “woes” gelaat (deur die Romeine in 70 na Messias, wat JaHUaH se toelating was) net soos wat JaHUsha geprofeteer het in Luk. 13:35.

Solank as wat die Tempel daar was, het dit aangedui dat die Ou orde naby aan die verdwyning was.

Heb. 8:13 “As Hy sê 'n nuwe *verbond*, het Hy die eerste oud gemaak; en wat oud word en verouder, is naby die verdwyning.”

DIE GORDYN AS SIMBOOL VAN MESSIAS JAHUSHA

Die gordyn was ook simbolies van Messias self (soos alles in die Tabernakel), as die enigste weg na die Vader (Joh. 14:6). Dit kan gesien word aan die feit dat die hoëpriester die Allerheiligste moes ingaan DEUR die gordyn.

Joh. 14:6 JaHUsha antwoord hom: Ek is die weg en die waarheid en die lewe; niemand kom na die Vader behalwe **deur** My nie.

Nou is JaHUsha ons groot Hoëpriester, en as gelowiges in die voltooide werk van JaHUsha, is ons deel van die “beter” priesterskap, naamlik die Melgisèdekorde (Heb. 6:20, Heb. 8:6, 1 Pet. 2:9).

Ons kan nou die Allerheiligste ingaan **DEUR** Hom (soos daar DEUR die gordyn beweeg is). Heb. 10:19 – 20 sê dat die gelowige ingaan in die heiligdom **deur** die

“bloed van JaHUsha, op die nuwe en lewende weg wat Hy vir ons ingewy het deur die voorhangsel heen, **dit is sy vlees** ..”

Ons sien dat Sy vlees “geskeur” is vir ons, net soos wat die gordyn vir ons geskeur is. Dat die gordyn van bo na onder geskeur is, is 'n skriftuurlike feit en dit opsigself spreek van bonatuurlike ingrype.

Die Tabernakel en alles wat daarmee gepaard gaan, is skaduwees van toekomstige dinge en alles wys heen na JaHUsha as MelekTzadek. Hy was die gordyn van die Allerheiligste, en deur Sy dood het die getroue gelowiges nou vrye toegang tot Elohiem.

Daar is egter 'n misverstand wat ons uit die weg moet ruim.

DIE MISVERSTAND

Daar word deur party geglo dat die hoofman oor honderd daar by die kruis en die vroue wat ook daar was, kon gesien het toe die gordyn geskeur het en daardie miskonsepsie bring verdere misleiding mee aangaande “watter gordyn” sou geskeur het en “waar die tempel moes wees”. Dit word gedoen op grond van Mark. 15:37 – 40.

Mark. 15:37 Maar JaHUsha het met 'n groot stem geroep en die laaste asem uitgeblaas.

Mark. 15:38 En die voorhangsel van die tempel het in twee geskeur van bo tot onder.

Mark. 15:39 En toe die hoofman oor honderd wat daar reg voor Hom staan, sien dat Hy so uitgeroep en die laaste asem uitgeblaas het, sê hy: Waarlik, Hy was die Seun van Elohiem.

Mark. 15:40 En daar was ook vroue wat van ver af dit aanskou het. Onder hulle was Maria Magdaléna ook, en Maria, die moeder van Jakobus, die kleine, en van Joses, en Salóme—

As ons versigtig lees, sal ons sien dat gesê word dat die hoofman oor honderd en die vroue gesien het **hoedat JaHUsha op daardie oomblik gesterf het**, nie hoedat die gordyn geskeur het nie. Die voorhangsel het terselfdertyd geskeur, maar daar staan nie dat hulle daar juis dit gesien gebeur het nie. Kom ons lees weer mooi ...

Mark. 15:39 En toe die hoofman oor honderd wat daar reg voor Hom staan, **sien dat Hy so uitgeroep en die laaste asem uitgeblaas het**, sê hy: Waarlik, Hy was die Seun van Elohiem.

Mark. 15:40 En daar was ook vroue **wat van ver af dit aanskou het**. Onder hulle was Maria Magdaléna ook, en Maria, die moeder van Jakobus, die kleine, en van Joses, en Salóme—

Daar is nie geskiedkundige bronne wat kan bevestig of ontken dat die gordyn geskeur het nie, maar Mark. 15:38 is daar vir 'n geestelike rede, net soos ook Matt. 27:50 – 51 en dit is reeds al hierbo verduidelik.

SAMEVATTING

Die gordyn in die tempel was 'n konstante herinnering dat sonde die mensdom ongeskik gemaak het om in die teenwoordigheid van Elohiem te kom. Die feit dat die jaarlikse sondoffer voortdurend moes plaasvind, sowel as die daaglikse offers, het aangedui dat die sonde nie heeltemal kon versoen word met die offers van diere nie.

Lev. 16:2 “en JaHUaH het aan Moses gesê: spreek met jou broer Aäron dat hy **nie te eniger tyd** moet ingaan in die heiligdom nie, binnekant die voorhangsel, voor die versoendeksel wat op die ark is, sodat hy nie sterwe nie; want Ek verskyn in die wolk op die versoendeksel.”

JaHUsha het, deur Sy offerdood, daardie versperring tussen Elohiem en die mens **verwyder**, en nou mag ons Hom ENIGE TYD nader “met 'n waaragtige hart in volle geloofsversekerdheid ..”

Heb. 4:16 “Laat ons dan met vrymoedigheid na **die troon van die genade gaan**, sodat ons barmhartigheid kan verkry en genade vind om op die regte tyd gehelp te word.”

HalleluJaH!

0-0-0-0-0-0

AndriYaH

Oktober 2017